




دیگر نظائر

لیب آمدی [۱]

حاجه بردوش غنایه باقمه هیچ نقصانمه
اطلاسك ویرسهك فلك آلم تن عریانمه
خیره چشمم پرتومنتدن ای چرخ دنی
کیرکل خورشیدی اورسهك کلبه احزانمه
بن اوشاه سربلند اعجاز کوی حکمت
کیم فلاطون الهی باش اگر فرمانمه
آفتاب عالم افروز سپهر همم
همسر اولمز سفله کوکبلر، مه تابانمه
ایسته م خودبینلکی آینه اسکندری
ویرسلر آویزه ایتیم گوشه ایوانمه
بکا دهرک لطفی وار نسبتله بیلسهك ایتدیکن
غدر وجوری بندن اعلایه بنم اقرانمه
مختتم ابنای عصره هپ تخالفدن کلور
قالسون آهم جهانده شرمه اذعانمه
مقصدك جان ایسه طوعاً ایلرم تسلیم آنی
سویله شاهم کیرمشون غمزهك برآوج قائمه
اوقوسون باقسون (لیب) اهل هنر تقریض ایدوب
قید اولونسون بوغزل مجموعه عرفانمه

oooo

[۱] لیب افندیك وفاتی ۱۱۸۲ سنه سنده در. مرقدی دیاربکرده روم.
قبوسی خارجنده عائلهلرینه مخصوص اولان حظیره ده در. حین وفاتنده ارتحالده
حقننده سویلدیکی قاریخ سرلوحه منارنده منقوش و محکوک ایدی.